



Communicaziun a las medias dals 4 da settember 2020

Visita da la Baumer Electric SA tras la CRO e tras la cussegliera federala Karin Keller-Sutter

La CRO e la cussegliera federala Karin Keller-Sutter èn cunter l'Iniziativa da limitaziun

Represchentanzas da la Conferenza da las regenzas dals chantuns da la Svizra orientala (CRO) e la cussegliera federala Karin Keller-Sutter han visità il venderdi suentermezdi la Baumer Electric SA a Frauenfeld. Il president da la CRO, Jon Domenic Parolini, e la cussegliera federala Karin Keller-Sutter èn s'exprimids en quest connex cleramain cunter l'Iniziativa da limitaziun. In gea a l'Iniziativa da limitaziun ils 27 da settember avess consequenzas gravantas per la cumpetitivad da las interpresas da la Svizra orientala. Ellas perdessan l'access direct ad in da lur martgads da vendita ils pli impurtants. Cun quai pericletescha l'iniziativa plazzas da lavur.

Da l'Iniziativa da limitaziun, che vegn en votaziun ils 27 da settember 2020, fiss la Svizra orientala pertutgada spezialmain. Ils contracts bilaterals cun l'Uniun europeica faciliteschan il commerzi e l'export da rauba d'industria e d'investiziun. En la Svizra orientala è questa bransch spezialmain ferma cun ina quota da stgars 30 pertschient da tut las personas occupadas. En la media svizra èn quai var 20 pertschient. Da l'autra vart è la regiun che cunfinescha cun trais stadis da la UE colliada spezialmain ferm cun l'Europa en quai che pertutga il commerzi cun l'exteriur sco er il martgà da lavur transcunfinal.

Sin invitaziun da la CRO ha la cussegliera federala Karin Keller-Sutter perquai visità oz venderdi la «Baumer Group» che ha sia sedia principala a Frauenfeld. Ensemen cun las represchentanzas da las regenzas dals chantuns da la Svizra orientala ha la scheffa dal Departament federal da giustia e polizia (DFGP) sa fatg in maletg al lieu.

Questa interpresa da famiglia ch'è orientada a l'export tutga internaziunalmain tar ils purschiders principals da sensurs d'auta tecnologia e da systems da sensurs per l'automatisaziun industrialia. Per la IPM cun globalmain var 2600 collavuraturas e collavuratur, da quels 700 en Svizra, è la UE cun passa 60 pertschient da la quota da svieuta il martgà da vendita il pli grond. L'interpresa è dependenta d'in access senza obstachels al martgà da la UE, sco ch'el exista oz.

Ostschweizer Regierungskonferenz

Sekretariat
c/o Staatskanzlei
Regierungsgebäude
9001 St. Gallen

Telefon +41 58 229 32 18
Fax +41 58 229 39 55
www.ork-ostschweiz.ch

Var 3 emnas avant la votaziun s'engaschan las represchentanzas da las regenzas da tut ils chantuns da la Svizra orientala e la cussegliera federala Karin Keller-Sutter en num dal Cussegl federal cun persvasiun per in na a l'urna. La Conferenza da las regenzas chantunals (CdC) era gia s'exprimida ils 11 da favrer 2020 en in'orientaziun a las medias cunter l'approvaziun da l'Iniziativa da limitaziun.

La Conferenza da las regenzas dals chantuns da la Svizra orientala (CRO)

Da la Conferenza da las regenzas dals chantuns da la Svizra orientala (CRO) ch'è vegnida fundada avant passa 50 onns fan part ils chantuns Glaruna, Schaffusa, Appenzell Dador, Appenzell Dadens, Son Gagl, Grischun e Turgovia. Il chantun Turitg ed il Principadi da Liechtenstein èn commembers associads.

Infurmaziun per las redacziuns: Ulteriuras infurmaziuns dat il cusseglier guvernativ e president da la CRO Jon Domenic Parolini ils 4 da settember 2020 tranter las 16 e las 17.00 sut il numer 081 257 27 01.